

Broj: 06-05-21135-1/16
Sarajevo, 09.05.2018. godine

KANTON SARAJEVO
SKUPŠTINA KANTONA SARAJEVO
- OVDJE -

PREDMET: Izjašnjenje na zastupničku inicijativu zastupnice Mersihe Mehmedagić, dostavlja se

Zastupnica Mersiha Mehmedagić je na 17. Radnoj sjednici Skupštine Kantona Sarajevo održanoj dana 28.06.2016. godine, u okviru tačke dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenuo sljedeću zastupničku inicijativu:

„Tražim od Vlade Kantona Sarajevo da poduzme sve potrebne aktivnosti kako bi u što kraćem roku imali sveobuhvatnu evidenciju lica tretiranih Zakonom o pravima branilaca i članova i njihovih porodica i Zakonom o dopunskim pravima boraca-branitelja Bosne i Hercegovine, a koja se nalaze na evidenciji nezaposlenih kod Službe za zapošljavanje Kantona Sarajevo. Kako Vlada utvrđuje način i uvjete za odobravanje pozajmica za otvaranje radnih mjesta iz Člana 24. Zakona o dopunskim pravima boraca-branitelja BiH, molim da se u Javnom pozivu za 2016. godinu iznađe način da se sredstva usmjere na zapošljavanje nezaposlene djece navedenih kategorija, po uzoru na Program mjera zapošljavanja za 2016. godinu koji je ciljao određene kategorije kroz zasebne programe zapošljavanja.“


Na pokrenutu zastupničku inicijativu dajemo sljedeće

I Z J A Š N J E N J E

Ministarstvo za boračka pitanja je blagovremeno pripremlilo odgovor na postavljeno zastupničko pitanje/inicijativu, a istovremeno su u cilju aktivnosti na realizaciji istih zatraženi određeni podaci (broj nezaposlene djece šehida i poginulih boraca, ali i drugih boračkih kategorija) od JU „Službe za zapošljavanje Kantona Sarajevo“ i udruženja koja okupljaju boračke kategorije. Kako podaci nisu dobiveni odgovor nikada nije upućen, ali su u prethodnim godinama provedene dodatne mjere na zapošljavanju lica iz boračke populacije.

Kao što je poznato Zakonom o dopunskim pravima boraca-branitelja BiH („Službene novine Kantona Sarajevo“, broj 45/12 – Prečišćeni tekst, 26/14 i 46/17) predviđeno pravo boračkih kategorija na odobravanje novčana pozajmica za otvaranje radnih mjesta (član 24.) U navedenom članu je navedeno da Vlada Kantona Sarajevo posebnim propisom utvrđuje način i uvjete za odobravanje pozajmica, a isti su regulisani Uredbom o finansiranju programa za otvaranje radnih mjesta za branioce, ratne vojne invalide, porodice šehida i porodice poginulih, umrlih i nestalih branilaca («Službene novine Kantona Sarajevo», br. 31/06, 20/09 i 20/1, 16/14).





Uredbom su kao korisnici prava na finansiranje programa za otvaranje radnih mjesta za braniocce, ratne vojne invalide, porodice šehida i porodice poginulih, umrlih i nestalih branilaca (u daljnjem tekstu: finansiranje programa) utvrđena lica iz čl. 1. i 2. Zakona o dopunskim pravima boraca-branilaca Bosne i Hercegovine **i članovi njihovog porodičnog domaćinstva.**


Dakle shodno važećim propisima nezaposlena djeca boračkih kategorija (koji nisu bili vojni obveznici za vrijeme agresije) mogu biti korisnici ovog prava, odnosno pozajmica se može odobriti pravnom licu koje će zaposliti nezaposleno dijete iz boračkih kategorija. Javni poziv se objavljuje svake godine, a za 2018. godinu još nije objavljen jer se prvo čeka izbor banke putem koje bi se sredstva plasirala (postupak u toku), a s obzirom da je već duži period evidentna nezainteresiranost banaka za ovakvu aktivnosti (od 2013. godine se na tender prijavljivala samo jedna banka koja je nagovijestila da više nije zainteresovana).

Cijeneći opće društveno stanje i potrebu za intenziviranjem aktivnosti na upošljavanju boračkih kategorija Ministarstvo za boračka pitanja je krenulo u iznalaženje novih modaliteta zapošljavanja te izradilo i provelo Program mjera za poticaj zapošljavanja boračke populacije u Kantonu Sarajevo za 2016. godinu, koji je svojim zaključkom broj 02-05-3630-6/16 od 11.02.2016. godine podržala Vlada Kantona Sarajevo i čiji fokus je bio individualna poljoprivredna proizvodnja (maline i platenici) te boračke zadruge. U okviru realizacije je objavljen Javni poziv za podizanje zasada maline i nabavku platenika koje će sufinancirati Ministarstvo za boračka pitanja Kantona Sarajevo, te su dodijeljeni platenici za 57 lica, te sadnice malina i sistem za navodnjavanje za 20 lica, a koje je u skladu sa propisima javnih nabavki osiguralo ovo ministarstvo.

Zaključkom Vlade Kantona Sarajevo broj: 02-05-20150-14/17 od 08.06.2017.godine prihvaćen je Program mjera za poticaj zapošljavanja boračke populacije u Kantonu Sarajevo za 2017/2018. godinu. Opći cilj Programa je doprinijeti povećanju podrške u resocijalizaciji boračke populacije putem njihove integracije na tržište rada povećanjem mogućnosti za njihovo zapošljavanje, kako bi se i uz druge programe ove vrste i aktivne mjere zapošljavanja u Kantonu Sarajevo moglo utjecati na stvaranje uvjeta za zapošljavanje ovih ranjivih kategorija. U cilju realizacije su provedeni Javni poziv za realizaciju mjere podrške pojedincima-zadrukarima ili zadrugama koje okupljaju boračku populaciju putem sufinansiranja poslovnih projekata od strane Ministarstva za boračka pitanja, koji će za rezultat imati novo upošljavanje boračke populacije i Javni poziv za stimulisanje poslodavaca sa područja Kantona Sarajevo da zapošljavaju pripadnike boračke populacije i članove njihovih porodica prijavljenih na evidenciju nezaposlenih u Kantonu Sarajevo, putem sufinansiranja zapošljavanja. Sa 14 aplikanata kojima je odobreno učešće u mjerama iz navedenog Programa zaključeni su pojedinačni ugovori kojima su utvrđena prava i obaveze ugovornih strana, pri čemu je obezbijeđeno zaposlenje 36 pripadnika boračke populacije ili članova njihovih porodica na godinu dana.

Sa aktivnostima je nastavljeno i dalje te su shodno Programu mjera za poticaj zapošljavanja boračke populacije u Kantonu Sarajevo za 2018/2019. godinu, prihvaćenog Zaključkom Vlade Kantona Sarajevo broj: 02-05-11332-13/18 od 22.03.2018.godine obavljani: Javni poziv za realizaciju mjere podrške zadrugama koje okupljaju boračku populaciju putem sufinansiranja poslovnih projekata od strane Ministarstva za boračka pitanja, koji će za rezultat imati novo upošljavanje boračke populacije, Javni poziv za stimulisanje poslodavaca sa područja Kantona Sarajevo da zapošljavaju pripadnike boračke populacije i članove njihovih porodica, prijavljenih na evidenciju nezaposlenih u





Kantonu Sarajevo, putem sufinansiranja zapošljavanja i Javni poziv za realizaciju mjere sufinansiranja samozapošljavanja pripadnika boračke populacije i članova njihovih porodica koji su prijavljeni na evidenciju nezaposlenih u Kantonu Sarajevo. Obrada zahtjeva je u toku

Shodno svojim programskim ciljevima Ministarstvo će i u narednom periodu raditi na zapošljavanju boračkih kategorija, te u skladu sa zakonskim i drugim mogućnostima, iznalaziti nove mogućnosti uključujući i izradu namjenskih programa zapošljavanja usmjerenih ka određenim boračkim kategorijama, odnosno određenim privrednim aktivnostima. U cilju aktuelizacije i bolje provodivosti predviđa se i izmjena važećih propisa.

Takođe će se ostvarivati saradnja sa drugim subjektima, prvenstveno JU „Služba za zapošljavanje Kantona Sarajevo“, u cilju osmišljavanja i provođenja mjera kojim će se omogućiti zapošljavanje djece šehida i poginulih boraca i drugi nezaposlenih lica iz boračkih kategorija.

S poštovanjem,

Obradio: Imamović Velid
Kontrolisala: mr.Belma Adilović



MINISTAR
mr. Muharem Fišo

Dostaviti:

- Predsjedateljici Skupštine Kantona Sarajevo,
- Stručnoj službi Vlade Kantona Sarajevo,
- evidencija,
- a/a.

